



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

Anr.199/2019

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Zyhdi Haziri kryesues, Afijete Sada-Gillogjani dhe Kymete Kicaj anëtarë, me pjesëmarrjen e Zyrtares së lartë Ligjore Antigona Murati, duke vendosur përkitazi me ankesë e Organizatave Joqeveritare BIRN dhe Internews Kosova, me seli në Prishtinë, paraqitur kundër koalicionit AAK-PSD, me seli në Prishtinë, për shkak të përdorimit të pjesëtarëve të institucioneve shtetërore, publikimit të videos publicitare dhe shpërndarjes në profilin facebook, gjatë fushatës zgjedhore, për Zgjedhjet e Parakohshme për Kuvendin e Republikës së Kosovës, që do të mbahen më datë 06.10.2019, në seancën e panelit të mbajtur më datë 05.10.2019, mori këtë:

## V E N D I M

**PRANOHET** si e bazuar ankesa Anr. 199/2019 e datës 03.10.2019, e paraqitur nga Organizata Joqeveritare BIRN dhe Internews Kosova, me seli në Prishtinë, kundër koalicionit AAK-PSD, me seli në Prishtinë, për shkak se me datën 02.10.2019, në profilin e tij Facebook kandidati për deputet Rustem Berisha ka publikuar një video publicitare, në të cilin spot shihet përdorimi i resurseve shtetërore për qëllime të fushatës, ashtu që kandidati i koalicionit në fjalë në spotin publicitar paraqet pjestaret e Forcës së Sigurisë së Kosovës, që paraqet shkelje, të nenit 35 par.1, të LZP-së, i **SHQIPTOHET** gjobë në lartësi prej 9,900.00€ (nëntëmijë e nëntëqind euro), të cilën detyrohet ta paguaj në afat prej 15 ditësh, nga plotfuqishmëria e këtij vendimi, nën kërcënim të përmbarimit.

## A r s y e t i m

PZAP-i, më datë 02.10.2019, ka pranuar ankesën Anr.199/2019, nga Organizata Joqeveritare BIRN dhe Internews Kosova, me seli në Prishtinë, të paraqitura kundër koalicionit AAK-PSD, me seli në Prishtinë, ku theksohet se gjatë monitorimit të fushatës zgjedhore për zgjedhjet e përgjithshme në vend ka vërejtur një parregullsi, ku me datën 02.10.2019, kandidati i koalicionit AAK-PSD, Rustem Berisha në profilin e tij Facebook, ka publikuar një video në të cilën ka shfaqur pamje të Forcave të sigurisë së Kosovës, ku në këtë video të njëjtit bartin uniformat ushtarake. I njëjti gjate publikimit ka shkruajtur “Bashkë”, “Nuk ka ditë që nuk e kujtoj betejën e Koshares dhe mbushem krenari kur i shoh sot, pas 20 vitesh, djemt dhe vajzat tona në uniforma të FSK-së. Sa shumë ka arritur atdheu ynë, sa shumë kemi për të bërë bashkë”.

Paraqitësi i ankesës thekson se me këto veprime koalicioni AAK-PSD, ka vepruar në kundërshtim me rregulloren nr.13/2013, e plotësuar me rregulloren 20/2019, saktësisht nenin 5 par. 2 pika c).

Në mbështetje të pretendimeve ankimore, paraqitësit e ankesave kanë bashkangjitur ankesës një foto dhe një CD.

Në përgjigjen në ankesë të koalicionit AAK-PSD, të datës 03.10.2019, në të cilat deklarohet se, ankesa në fjalë është bërë e pa drejt nga ana e BIRN, sepse kandidati në fjalë Rustem Berisha është ministër në detyrë në FSK dhe i njëjti në këtë publikim ka kujtuar një betej dhe ka përgëzuar kadetët, por nuk ka kërkuar votë, ose nuk ka përdorur postimin për qëllime partiake.

Me tutje në përgjigje në ankesë theksohet se PZAP-i, të marrë për bazë veprimet e AAK-PSD që është paraparë në Rregulloren Nr.11/2013 neni 3 3.3, 3.4 dhe 3.6, për thirrjen dhe lajmërimin e të gjitha strukturave dhe mbështetësve, që të respektojnë ligjin në fuqi dhe rregulloren e kodit të mirësjelljes.

Koalicioni AAK-PSD, përgjigjes në ankesë, si provë i ka bashkangjitur disa njoftime që koalicioni në fjalë ka bërë në rrjetet sociale, për anëtarët dhe simpatizantët e tij lidhur me respektimin e rregullave zgjedhore.

PZAP-i, pasi që shqyrtoi dhe analizoi shkresat e lëndës në kuptim të nenit 117 paragraf 2, të LZP-së, gjeti se:

### **Ankesa është bazuar**

Paneli, pas shikimit të shkresave të lëndës si CD-në dhe një foto, të ofruara si prova materiale, e cila është publikuar në llogarinë e facebook-ut, të kandidatit për deputet të Republikës së Kosovës, Rustem Berisha, përgjigjes në ankesë të koalicionit AAK-PSD, dhe shkresave tjera të lëndës, shihet qartë se janë përdorur pjesëtarë të Forcave të Sigurisë së Kosovës të uniformuar, dhe ka vlerësuar se nga ana e koalicionit AAK-PSD, është shkelur neni 35.1 dhe neni 35.2, i Ligjit për Zgjedhje të Përgjithshme LZP-së, i cili përcakton se: "*Personi që mban pozitë publike, i zgjedhur apo i caktuar, nuk mund të përdorë atë zyrë ose ndonjë nga pasuritë e saj me qëllim të përfitimit të votave. Asnjë nga burimet e asnjë institucioni të administratës publike, qoftë të nivelit qendror ose lokal ose edhe ndonjë ndërmarrje në zotërim ose të kontrolluar nga autoritetet qendrore ose lokale nuk mund të shfrytëzohen ose të futen në mbështetje të ndonjë subjekti politik në zgjedhje*", dhe neni 35.2 i cili përcakton se: "*Gjatë periudhës së fushatës zgjedhore asnjë subjekt nuk inkurajon ose përfiton nga shërbyesi publik duke përdorur pozitën publike të tij ose saj për të zhvilluar fushatë për subjektin politik*".

Pretendimi si në përgjigje e koalicionit AAK-PSD, se kandidati në fjalë është ministër në detyrë i FSK-së, dhe nuk janë shfrytëzuar pjesëtarët e FSK-së, për fushatë zgjedhore, por vetëm ka përgëzuar kadetët e ri, është i pa bazuar, sepse i njëjti është kandidat për deputet nga koalicioni në fjalë dhe postimi është bërë në profilin e tij privat, me të cilin gjendet numri rendor për kandidim në këtë proces zgjedhor, që paraqet publicitet dhe njëkohsisht thirrje për të votuar atë si kandidat, dhe vetë fakti i publikimit të kësaj video, ku paraqiten pjestaret e FSK-së, dhe në tekstin e shkrimit "Bashkë krenarë me FSK-në", "Nuk ka ditë që nuk e kujtoj betejën e Koshares dhe mbushem krenari kur i shoh sot, pas 20 vitesh, djemt dhe vajzat tona në uniforma të FSK-së. Sa shumë ka arritur atdheu ynë, sa shumë kemi për të bërë bashkë", përqon mesazh politik dhe njëkohsisht dhenie e atributit vetes për të arriturat e FSK-së, që paraqet shkelje nga neni 35 par. 1 dhe 2, të Ligjit për Zgjedhje të Përgjithshme LZP-së.

Paneli me rastin e vendosjes së gjobës si në dispozitiv të këtij vendimi, ka marrë parasysh rrethanat si në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;

- Subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë; si dhe
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, mori parasysh të gjitha rrethanat në rastin konkret, se dy subjektet e koalicionit në fjalë, subjekti politik Aleanca për Ardhmërinë e Kosovës (AAK) dhe Partia Socialdemokrate (PSD), kanë marrë pjesë edhe në zgjedhjet e kaluara që do të thotë se janë njoftuar me rregullat zgjedhore, dhe përkundër këtij fakti gjatë fushatës zgjedhore, në profilin e facebookut të kandidatit për deputet nga ky koalicion ka përfshirë pjesëtarë të Forcave të Sigurisë së Kosovës, veprim ky i sanksionuar me dispozitat e lartcekura të rregullave zgjedhore.

Po ashtu si rrethanë, PZAP-i, e mori edhe faktin që koalicionit në fjalë, i është dhënë mundësia për tu përgjigjur në ankesë dhe ta përmirësojë shkeljen e bërë, mirëpo subjekti politik megjithëse e ka pranuar shkeljen e bërë, nuk ka ofruar asnjë dëshmi lidhur me atë se është bërë përmirësimi i shkeljes siç kërkohet me nenin 120 paragrafi 1 pika a) e LZP-së, veprime këto të cilat kanë ndikuar në lartësinë e gjobës së shqiptuar, në kuptim të nenit 35 paragrafi 1, dhe 2, nenit 120 paragrafi 1 pika c) të LZP-së dhe nenit 5 paragrafi 2 i Rregullës Nr. 01/2012, Për Kategorizimin e Sanksioneve dhe Gjobjave të PZAP-it.

Nga arsyet e theksuara me lart, e në kuptim të nenit 118 par.1 dhe nenit 120 par.1 pika c) të LZP-së, u vendos si në dispozitiv të këtij vendimi.

**Paneli Zgjedhor për Ankesa dhe Parashtresa**  
Anr.199/2019 më datë 05.10.2019

**Kryesuesi i Panelit**  
Zyhdi Haziri



**Këshillë Juridike:** Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.